



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

II. Sententia contra vicarium lata, si alieno nomine poßidet, non ei cuius nomine poßidet, praeiudicat.

urn:nbn:de:hbz:466:1-15588

Pars
XLII.

DE EXCEPTIONIBVS.

CAP. I. *Idem eidem.*ANNO
CHRISTI
1179.

Ex parte fraternitatis tuæ fuit nobis requisitum, vtrum cum aliquam causam sub certa forma committimus, iudices delegati ita formam sibi commissam sequi debeant, vt rationabiles exceptiones non admittantur: super quo itaque tuæ prudentiæ taliter respondemus, quod si quandoque iudici expediat formam institutam seruare, debet tamen rationabiles exceptiones admittere, & in causa secundum iuris æquitatem procedere, nisi exprimatur in literis nostris, quod nullæ debeant exceptiones admitti: quod nec nos, nec aliquem prædecessorum nostrorum credimus expressisse.

Exceptionem inducunt, vis, metus, dolus, res litigiosa, transactio, pactio, expressa & tacita, iuratio, iudicatio, error, tempus, forum, fauor, odium, ætas, sexus, & similia. Exceptionum alia prima, alia secunda: Prima stat in generali nomine, & datur reo: Secunda transit in speciale nomen, & dicitur replicatio. Est autem replicatio exceptionis resolutio, quæ datur actori. Sed cum deinceps vtrinque multiplicantur exceptiones, earum nomina sunt, duplicatio, triplicatio.

CAP. II. *Idem abbati S. Albani, & abbati* Leicestriæ.*

Dilecti filii nostri, abbas & fratres monasterii sancti* Ebbelli, nobis transmissa insinuatione monstrauerunt, quod cum A. clericus super ecclesia de Alitun, quæ ad prædictum monasterium pertinere dicitur, eis quæstionem mouisset, tacita veritate, non contra eos, sed contra quemdam vicarium, quem in eadem ecclesia constituerunt, ad venerabilem fratrem nostrum V Vigorniensem episcopum literas impetrauit. Cum autem idem episcopus prædictum vicarium vna cum eodem A. ante præsentiam suam conuocasset, vicarius ipse ac prior dicti monasterii, qui casu ad partes illas accesserat, memorato episcopo dixerat, quod idem vicarius super prædicta ecclesia conueniendus non erat, cum eam non suo nomine, sed abbatis possideret,

* Ebbelli
* Eburni
* Eburni

ANNO
 CHRISTI
 1179.

*f.A. cle-
 nico

quare sibi exinde, absente abbate, & ignorante, respondere episcopo nullatenus tenebatur. Vnde ad nostram appellauit audientiam: sed prædictus episcopus, quod vix credere possumus, appellationi non deferens, abbate absente & ignorante, & non citato, ecclesiam ipsam prædicto * Vu. adiudicauit; in quo facto prædictus abbas & fratres se asserunt esse grauatos. Quia vero sollicitudini nostræ incumbit, viris ecclesiasticis, & præcipue religioni & honestati deditis, iura sua integra seruare, & id quod inter alios actum sit, aliis præiudicare vel nocere non debet, discretioni vestræ, &c. quatenus partibus ante præsentiam vestram conuocatis, si vobis ita esse constiterit, præfato abbati & fratribus præscriptam ecclesiam, cum fructibus inde perceptis, amoto eo qui in eadem ecclesia intrusus est, nostra auctoritate freti, occasione & appellatione cessante, restitui faciatis. Restitutione autem facta, si de proprietate forte agere voluerint, causam audiatis, & eam, mediante concordia vel iudicio, sublato appellationis remedio terminetis.

Supra, de
 spoliatus.

CAP. III.

Idem decano Lincolnensi & abbati de Riuallis.

Accepta conuestione P. clerici, quod violenter ecclesia de Procebrant fuisset spoliatus, discretioni vestræ per A. S. præ. si bene meminimus, dedimus in mandatis, vt si per officiales venerabilis fratris nostri Eboracensis archiepiscopi apostolicæ sedis legati, ex concessione ipsius in eadem ecclesia fuisset institutus, & inde per violentiam eiectus, eam sibi auctoritate nostra restitui faceretis. Quibus cognitis, responsum est sicut nobis.

DE SEPVLTVRIS,
 ET DEFVNCTORVM VOLVNTATIBVS.

PARS
 XLIII.

CAP. I. *Item Paschalis secundus.*

VOLVMVS, ac iuxta Canonum sententiam nobis probabile videtur, vt sicut morienti conceditur, rerum suarum iudicium facere quocumque loco sibi placuerit, sic nimirum iustum est, sui corporis licentiam habere eli-

Concil. Tom. 27.

SSS ij